

晚晴移詩匯

晚晴移詩匯卷七目錄

原封勤郡王蘊端

十七首

追封簡親王福存

二首

貝子吞珠

六首

輔國公德普

四首

平敏郡王福彭

一首

追封莊親王弘普

一首

怡僖親王弘曉

六首

甯良郡王弘皎

一首

輔國公弘嘯

二首

原封貝子弘晬

六首

康修親王崇安

一首

原封輔國公恒仁

十七首

晚晴移詩匯卷七

徐世昌

原封勤郡王蘊端初名岳端字正子一字兼山號紅蘭

主人安樂郡王岳樂子初封勤郡王降貝子坐事奪

爵有玉池詩稟

姜西溟曰玉池生稟中有體兼濃麗清逸者義山致
堯之遺奇情激昂馳端發而不可遏抑者鮑明遠
之宕逸高遠夫之悲壯也顧梁汾曰紅蘭集無體
不備從容繹之為雅頌者十一為風者十九汪退
谷曰紅蘭集清婉奇麗出入

於太白昌谷義山飛卿之間

詩話紅蘭主人太祖曾孫嘗膺高爵而勤學好問

禮賢下土勲懃靡已選刻郊島詩命曰寒瘦集漁洋

亟稱之耶中賓從以吳江顧車無錫朱襄錢塘沈用

濟為最知名用濟客京師久其妻朱柔則作畫寄之

主人為題詩曰柳下柴門傍水隈天桃樹樹又花開

應憐夫婿無歸信翻畫家山遠寄來主人又善畫自

題畫梅日正值天寒雪下時披裘獨坐酒盈巵客來

索畫無煩想隨手梅花一兩枝畫葡萄日會聞詩膽

大如天請看狂生畫亦然亂點葡萄十數箇只
求神似不求圖三絕句皆俊逸足以見其風致

讀列子

嗟嗟子列子居鄭四十年國君卿大夫無人知其賢子陽
不好士遺粟以人言當年有飢色後世稱神仙

形動而生影聲動而生響無動而生有自然非勉強有形
必有終死生互消長茫茫天地間那能常俯仰鬼者卽是
歸當作歸家想死人爲歸人生人行何往一人失其家世
必爲狂蕩天下皆失家會莫知其枉聖人一生死去來如
反掌

人生有大化天地皆密移死亡接老耄少壯代嬰兒貌色
與智態爪髮與膚皮隨生而隨落非復嬰兒時其間不可
覺俟至後方知

關山月

關山月一年十二度圓缺平時不忍看況是中秋節此際
穹廬已盡眠團團獨對南來客關山月玉宇絕纖塵平沙
明似水矮樹遠疑人關山月萬里共清輝回想閨閣裏應
照流黃機停梭望明月淚下沾裳衣關山月升自東海灣
經天涉黃道如輪沈西山月輪有升沈人生有往還月下
計歸期白露溼衣寒幾時桂魄滿方在故園看

戰城南

朝戰城之南暮戰城之北鬪然一鼓兩陣交殺氣暗天太
陽白將士奮呼擊賊無不以一當百矢石既竭繼以鋒鏖
自未至申敵兵乃卻將軍戰勝氣如虎立馬軍前點部伍
西山日落東山昏收兵渡河河水渾白骨堆中鬼語聚黃

沙田上寒燐屯戰馬驚鳴不肯行腥風吹透傷刀痕舊卒
三十萬半作離鄉魂將軍要封侯未肯入雁門君不見漢
李廣數不偶而奇又不見班定遠白頭歸已遲將軍兮將
軍胡不歸享太平時

靈佑寺丈室畫松歌

高僧丈室素壁立色如積雪光如溼卧雲主人發清狂潑
翻一斗松煤汁出來筆可補化工化出蒼髯老黑龍老龍
惟肯半身見半身何處藏虛空龍性變化原無窮頭角插
戟尾掉風行處雷電雲雨從豈知時序當嚴冬蟄龍垂首
等蟄蟲豐隆捉龍擲壁上更化百尺之老松老松前身是
老龍松龍雖別神靈通趺坐猶然風雨後猶作濤聲吼定

中

遵化道中

朝發石門驛行行去莫停雲低垂地黑山削倚天青歧路
愁縈結孤城望杳冥一宵聞雨過溪水沒魚汀

雨霽

梅雨正淒淒空庭入望迷當門不見路積水已成溪細草
涵煙綠垂陽覆檻低晚晴無限好白日挂簷西

紅蘭室同朱襄夜話

閒談消永夜海底出冰輪室暗鐙花大窗明樹影真擁鑪
貪暝氣多病減精神無酒娛詩室深慚作主人

積雨初霽同蔣景祈王敏敦柯煜周鼎沈堅釋元乘
分得八庚

連日濃陰積今朝喜有晴映苔流水綠近日亂雲明旋聽

涼蟬噪猶疑夜雨聲歸飛梁上燕毛羽一身輕

颯颯

颯颯西風旅雁過佳期歲月兩蹉跎赤簫聲裏三更月綠
酒尊前一曲歌別後幾曾通好夢見時未許託微波沈郎
縱不吟詩瘦可奈無端六憶何

過西峯草堂看黃葉賦贈

君今萬卷自堆胸學稼何須問老農當戶水深八九尺隔
城山出兩三峯隱居志似陶宏景醉卧身同阮嗣宗不必
邀朋吟敗葉定交願比後凋松

漠南

漠南斜路落紅曛風疊沙紋作水紋去日野花猶爛漫歸
時病葉亂紛紜老蛇升樹纏虬幹孤雁摩天負鶴羣尙在

秦關千里外故鄉音信杳難聞

歸至中途復有北行之役因賦

夜見旄頭閃閃明羽書烽火亂縱橫孤身方就南歸計半
路重登北去程倦數客途嫌馬慢寒添風力壓裘輕迂儒
敢道從軍苦從古高陽有酈生

無題

寂寞重門裏徘徊小院中一朝歌子夜三月老春風夢爲
愁多亂詩因思苦工鴉知無限恨花自不勝紅久別腸應
結遙憐心亦同非關泉下路豈是月中宮生死能相見仙
凡尙可通如何歸白閣咫尺勝蒼穹

春郊晚眺

長隄一望夕陽斜芳樹枝枝待暮鴉西嶺生雲將作雨春

風無力不飛花
嬌鶯細囀留清晝
孤鶩徐飛帶晚霞
野客獨扶藜杖過
柳陰深處覓漁家

寄顧卓

千里書來春色明
江南江北動離情
別時折盡橋邊柳
又見條條葉葉生

追封簡親王福存
鄭獻親王濟爾哈朗
孫原襲貝子以子德沛襲爵
追封有云爾吟詩集

過盤山古剎

翠微幽遠處
樵徑接雲門
澗草自霜色
崖花餘雪痕
山空人語寂
樹密鳥聲繁
欲訪峨眉老
無由倩野猿

秋日過石景山

孤峯高插碧雲天
澗水無聲入小川
兩岸蘆花搖白雪
滿

溪松子落寒煙哀猿何事臨風急老衲無心倚石眠嗟我
塵緣猶未了馬蹏閒踏自年年

貝子吞珠字拙齋晚號髯翁饒餘敏親王阿敏泰曾孫
襲鎮國公官禮部尚書卒贈貝子諡恪敏有花嶼讀

書堂小橐

紅蘭主人曰清曠間肆讀之令人神
遠張敦復曰根抵忠孝準則風騷
詩話恪敏貝子爲太祖曾孫工書爲
有水南莊在東便門外二間河邊高雲上人懷舊詩
所謂水南莊上有髯
公卽爲貝子詠也

三忠祠

萋萋河畔草黯黯城頭日居民莽牢落荒祠迴獨出螺蛸
冑戶青蟲巖繡苔碧往嘗讀遺傳三公事如一茅廬三顧
恩鞠躬許漢室凜凜出師表經綸邈無匹西風五丈原嘔

血千秋泣何知廣漢兒曲筆肆評隲宋趙當南遷國勢已
潛坼志在抵黃龍痛爲奸檜抑金牌銷壯心功成旋復失
吁嗟文文山艱危存社稷一蹶與國軍再躡五坡役被執
抗不回從容成大節砥柱障狂瀾汗青耿赫奕正氣天壤
間三峯高翠律我來瞻廟貌慷慨仰前哲河水流湯湯秋
風鳴瑟瑟鄙彼二心臣經過應戰慄

集海棠院送梅耦長南歸分得春字

古寺白日麗東風吹蹶輪川紅澹顏色落砌痕猶新羣賢
會高座送客兼送春春旣不我留客復追紅塵梅君都官
裔卓落洵絕倫詩得敬亭秀心焉願卜鄰今日離歌發三
疊爲傷神鶯啼綠楊枝蝶戀芳草茵長途遠千里橐囊仍
羞貧停鞭斜陽裏覓句應懷人歸及宛溪綠好寄雙文鱗

登澄海樓次韻

憑欄一望天連海，海風來自扶桑外。
長波萬頃蕩瑤壑，斷山推動溟泮危。
樓足下生動搖目眩，倏忽飛洪濤雲譎。
波詭浩無際，岑巖點綴如秋毫。
斗然煙靄衆峯失，森瀾一氣晴光溢。
東流直下析木津，南注還歸沃焦窟。
網緼造物初，此源無時無始信。
齊州煙九點，蒙龍八柱青天扶。
法法汨汨朝還暮，滄海桑田知幾度。
而今試問采珠人，此中果否鮫人住。

游則靈潭

巉岼紆鳥道，飛瀑碧潭懸。
嵐影孤城外，松風古寺前。
神龍留壞穴，綠樹駐晴煙。
削壁誰題識，游蹤不記年。

山海關

萬堞蒼茫橫渤海羣峯環抱拱神州松濤乍撼金城動蜃
氣遙連紫塞浮險闕雄關增壯勢寒侵細草入邊愁當年
百戰分爭地何幸昇平翠輦游

凱旋入獨石口

獨石城邊暮靄封馬嘶猶識去時蹤出關屈指纔三月踏
破雲山幾萬重

輔國公德普字子元一字脩菴號香松道人鄭獻親王
濟爾哈朗曾孫襲輔國公官宗人府右宗人有主善
齋詩集

題唐子畏匡山讀書圖

有客示我匡山圖萬山深處人讀書丹青滿眼生氣逼誰
畫此者唐六如曾聞茲山秀巖壑襟帶江湖控衡霍長林

絕地生風霆飛瀑垂天挂簾箔谷窟雲翳相吐吞藤蘿爲
屋松爲門青冥無梯勢突兀探幽到此心神昏五老峯高
人絕跡三峽橋危心膽裂閒招白鶴瞰神龍深澗疑存太
古雪詠茅選勝構書堂牙籤玉軸紛琳琅無人喚起李太
白惜哉頭白方徜徉披圖諦玩經營意慘淡霜毫無董巨
平生賸有山水情頗愛讀書無此處

秋夜

病葉蕭蕭下閒門掃更封虛窗銜落月殘夢帶疏鐘咽露
蛩吟砌巢雲鶴在松隔江秋色晚相憶有芙蓉

良鄉道中

桑乾曉渡水東流攬轡平生好遠游塔映遙紅撐落日山
添空翠入殘秋張華宅畔書籤冷樂毅墳邊薜碣留茅舍

當壚能喚客金貂買醉不須愁

途中作

目盡盤山樹天邊雁數行客心愁歲暮風雪過漁陽

平敏郡王福彭克勤郡王岳託五世孫

詩話平敏郡王以雍正十一年授定邊大將軍將兵駐烏里雅蘇臺進次科布多討噶爾丹策凌十三年更代還雪後詩有勛將士語正軍中作也

雪後

君不見圓者爲圭方者壁漫漫無際粘天白旌旗卷凍龍
蛇飛列騎嘶寒蛸毛磔又不見鐵衣戛戛裹層冰冰絲萬
縷鬚眉凝荷及永夜不敢寐雪山有急三軍登吁嗟紫塞
走封豕聖人用兵不得已憂勞不倦宵旰心十萬貔貅皆
赤子勉旃將士殲犬戎投戈早晚奏膚功歸而飲至朝陽

宮九州衣被春融融

追封莊親王弘普莊恪親王允祿子初封鎮國公卒封
世子諡恭勤子永瑤襲爵追封

喜雨

連朝苦炎蒸欲避渾無策戶牖來溫風倍覺曦光赫散髮
揮素紈汗流時浹脊雪藕復調冰煩襟猶未滌倏睹油然
生片片遙峯摩般般雷作聲溼雲塞空窄沾漑頃刻間神
膏發地脈草木自精神物我皆調適衢路淨纖塵池塘漲
澄碧溝澮旣已盈平陸俱盈尺行看潤秋田且喜蘇麩麥
農人擊壤歌負耒振襪市塵及道路相與手加額我時
抱疲疴披襟脫然釋當此清涼境游屐欣可卽好看雨後
山慰我耽詩癖朗吟頌豐年披襟暑無迹

怡僖親王弘曉號冰玉道人怡賢親王允祥子有明善

堂集

紫瓊道人明善堂集序曰兄子冰玉少穎悟長好學不倦其言語文章自能發揮所得彬彬乎有法度可觀

射虎行

山深圍廣路阨塞鬱蔥林木高百尺人馬橫袞雁翅排嵐
氣迎眸寒威逼仰看衆岫羅如星層顛俯視曦輪升合圍
未畢方前進忽聞一陣寒風腥縱目遙看咸住步言是山
君當歧路掉尾張牙正負隅馬怯人驚面相顧猛獸不除
人必殘獵士鼓勇如林攢相持搏擊兩不讓巖頭立馬真
奇觀我皇親自率禁旅一箭橫胸洞肺腑從茲惡劣得翦
除扈從諸臣齊蹈舞昔聞射虎但耳聞何似隨鑿目見真

聖君神武本天縱盛事應當記史臣

宿密雲

駐馬神皋近寒鴉噪戍樓夕陽含嶺色宿雨亂溪流野寺
疏鐘動荒郊夜柝浮言歸幽興發萸菊正清秋

至普覺寺同明上人話禪

偶訪招提境西風落葉稀溪聲穿石走山勢逐雲飛暇日
尋初地宗風闡道機暫時幽賞處暮色映禪扉

重陽後二日登東園大山

登高何必是重陽上得山頭楓葉黃鵲噪寒林穿別圃雁
飛碧落到遐方已無蛩語成秋響祇有蘆花作雪揚縱目
遙觀自空闊遠峯夕照入微茫

冬日園居卽事次韻

木落山頭一望空
滿天寒意起西風
蕭疏最是池邊柳
數點寒鴉夕照中

行到溪頭塵事無
天邊時聽雁聲孤
西山雲冷將飛雪
又是天成一畫圖

甯良郡王弘皎怡賢親王允祥子

送過亭先生秉鐸雞澤

如此才名古不如
卅年躑躅困鹽車
可堪秋雨秋風後
黃葉空山自著書

輔國公弘曠號思敬理密親王允祜子官宗人府右宗人
諡恪僖有石琴草堂集

石琴篇

我生兩耳厭竹肉
高山流水愛結鍾
期盟閒取龍門百尺

之柄斲綠綺朝回解帶便向書堂橫朝來有客貽我一片
石渾淪太璞含元音琴材完足未磨刮徑倩妙手龍脣鳳
翻一一雕鏤成調絃案譜叶宮羽依稀絕壑下樹萬樹松
風清始知中郎焦尾疑附會爨餘安得春雷鳴浪傳逸響
匹柯笛無乃秋柳啼寒鶯何如蔥翠玲瓏鑿山骨意外突
出新經營願攜此琴恭進拊石曲瓦缶竊和南薰聲

過賈閩仙墓

荒塚斜陽歷古今池邊樹噪夜栖禽年前親詠僧敲月身
後徒勞佛鑄金東野不來誰酌酒昌黎長逝罕知音石樓
舊詠流傳久歎息無人解細吟

原封貝子弘昨號瑤華道人誠恪親王允祕子初封鎮
國將軍進貝子降奉恩將軍有醉墨軒存橐瑤華道

人詩鈔

詩話瑤華道人精繪事山水花木兼擅其勝高宗御題以紫瓊爲比至今鍊栝流傳聲價猶與相埒詩視紫瓊微若不逮然烏衣風度間雅雍容固亦宗橫之雋也

曉行

曉行及遠道秋風吹我衣
疏星散平夜寒溜流前溪
初日升東山晨光忽熹微
景在未曙佳萬象紛迷離
此際有真趣心閒身亦宜
舉目送飛鴻飄然生遠思

月下過南天門至古北口

秋宵殘月風蕭蕭溪路紆
曲山岩巖蒼茫恍入白雲去
一徑直躡天門遙駿馬崎嶇
互高下雄關睥睨干雲霄
顧我頻年歷長道壯懷洒洒
秋燹高惟有清寒助吟興
仰看突兀心迢遙有時下馬
發長嘯日月迴薄山動搖
天都直上

果可到好瞻北極趨晨朝徒倚翻思塵世苦身爲形役徒
奔勞卻忘身卽在塵世誰見匹練流寒潮

耳聾詩爲劉延清相公作

醫聾卻說聾難醫公年七十聽已遲歸根夙慧空五蘊問
誰更笑阿翁癡兜元國中路識否雷鳴蟻鬪常紛歧公今
身歷耳聾狀告余妙理徵新詩初如聞秋蟬纏斷續鳴
高枝復如風濤走大塊噫氣轟相吹無弦之琴悒悒默默
何所思脫底之桶外視不改中已離楚然足音至窗下槃
姍勃窣但詫花甌之影紛襪襪客來晤面首方側言猶未
及衰如先神怡清歌妙舞彷彿知雅意但見彩袖翩翩爛
熳風前披惟公丰采自不曠矯矯海鶴爭清姿芸然羣動
息方寸大扣小扣泛爾肆應無纖遺台鼎贊謨略黃閣調

綸絲西園東壁掌樞要總持百揆清蹙庶獄臻咸熙乃知
所謂異人者手口眼耳能兼資瑣屑外物詎爲累不聳於
心心爲師明目達聰上正賴規圓矩方公自持君不見漢
相張蒼登百歲年年社酒應莫辭

題蘿村圖

漢軍李處士解組買山早庫使一官微山人入旗少心折
風雅宗爵視王公藐誅茅結軒廬氣直凌三島儒縮相往
來金紫艱謁造道人上陵歸車騎爲紆道翦韭烹魚餘揮
毫甯草草人因圖益傳事藉詩而表畿輔東州偏巖壑田
盤好當年多隱流幽棲各奇抱耕讀嗜靜便終南非捷巧
雖乏經濟儲頗挾詩書飽肯蹈晉代狂全叨盛時保披卷
憶舊游松關夢常繞欲弔多峯青蘿薜煙霞老惟看野寺

僧敗葉石間掃平生鑒賞偏藏弄逾獲寶小記代說郢或
助山林考

朝鮮陪使鴻臚官洪仁福以其國詩人繡褰居士所
作詩一章來獻并求予書觀其詩效選體亦稍可

誦用韻書付

東瀛春水綠極目飛鴻多欲訪騎鯨客空中聞嘯歌梅花
裝束好披雲或來過海月明珊瑚亭珥照瑤波紫泥浴瓊
袂神曜相盪磨俯視幾點煙茫茫游無何

緣陰野屋前海棠二株栽三年矣適值盛開喜而成
詠

麻姑忽款蔡經扉翦翦明霞護彩衣夢裏雲深誰喚起枝
頭春老漫催歸頓頓教林屋生華潤那許丹青品瘦肥亭愜

素心軒待月何嘗聚散與心違

康修親王崇安號友竹道人禮烈親王代善四世孫有

友竹軒集

歸化城偶成

霜落金天草木秋平沙一望戰雲收黑河流盡千年恨青
冢埋將萬古愁寶纛不因除寇見天兵豈爲避寒留先聲
到處羣兇遁耀德由來是遠謀

原封輔國公恒仁字育萬一字月山英親王阿濟格四

世孫初襲封旋罷有月山詩集

沈歸愚曰乾隆甲子歲月山以韻語來學授以唐詩
正聲造詣日進吐屬皆山水清音沈椒園曰生以
戊午三月來學孫府丞黷與予同官翰林董學士見
生恂恂儒者讀其所爲詩聞與評騰今古學博而思
深淵淵乎有所得而其志遠其心虛殆深窺造物者
之無盡藏將廢然而自得之者無何以嘗受封例不

得留學垂淵而出家居學益勤時時就子論詩
其詩清微樸老克具古人風格足傳於後無疑
詩話月山初襲輔國公以不應襲罷投牒入宗學又
以嘗襲爵爲例所格蓋襲爵僅十有一月在學止二
十餘日數奇不偶悒悒於衷卒年三十有五嘗論宗
人詩常以子晉爲第一紅蘭問亭皆不及也子晉詩
數變尤愛其少壯時作情新俊逸具體古人有月山
詩話一卷附集後吳泉之侍郎輯刻藝海珠塵並見
錄

感物次薰之韻

幽人澹無營擁書坐茅屋長日不停吟短夕猶勤讀一鐙
耿虛幌載籍恣游目未惜蜡成灰從教煙似燼移時微涼
生稍覺夜氣撲流螢入戶飛棲鳥依枝宿動定雖異情游
止愜所欲何來拂鐙蛾捐軀赴炎煥豈欲資氣焰蹈火恐
不速吟君感物詩令我三歎服

盤泉

山行聞水聲時作隔林響問人知泉名穿雲事幽訪溪中
踈甲石數丈平且做涓涓新溜瀉勢若長川滾清聽滌煩
襟臨觀聊倚杖卽事欲賦詩佳句墮渺莽清泉石上流初
月波中上此景不易得吾將夜中往

和韓秋懷詩

驅車東郊道黍稷何薿薿秋來風雨時穎達方靡已歲功
雖未收農歡已在耳停驂暫借問野老見客起夏旱榮聖
心殷憂禹湯似郊野得沛澤至誠良可恃行觀晚稼登玉
粒走萬軌飢歲逢有秋豈獨農人喜

庭草秋始芽未霜旋復悴幸逃耘鋤厄託根雨露地霑潤
既已渥怒生頗自恣易發還先萎常理豈有異人生無百
年不朽以爲貴

於耳絕絲簧在目無韶曼病喜蘇秋風歸非戀菰飯閒居
二十載未負平生願愛此清商候不作蕭瑟歎飲酒爵止
三觀書卷盈萬幽事自可娛至樂將誰獻優哉復游哉無
求亦無怨

我心一何潔清冷如冬凌我足亦何蹇癡鈍如寒蠅既
污莫合蹇亦捷所憎田園聊自息攀林坐石棱鳥倦常依
樹魚潛不窺曾杜門不復出清時養無能

白雲映空梳獨鶴帶露警候變知節逝漏長識夜永乘興
自斟酌酒酣氣益猛防身有長劍利物乏修綆清秋信可
樂豐歲竊獨幸飽食終吾年世事盡可屏衆星羅天垣明
月皎夜景月出星斂芒月入星吐罔浮雲從何來憑虛忽
作梗上下恣蔽虧東西互馳騁我欲力排之天高末由請

有客過我廬論詩至日暗趣同調自合辨析兩無憾漢魏
難仰企梁陳敢俯瞰盧駱矜富麗王韋造平淡李杜集大
成齊名匪忝濫錢劉格稍降流覽亦許暫韓公力最雄奔
舟不可纜寒瘦詎爲辜輕俗宜免勘子瞻如可作罰之飲
一觚

有子日卓立七歲賦高軒坐使父執敬不隨羣兒奔大母
夙鍾愛朝夕侍笑言稱觴拜我後戲綵舞我前束髮就家
塾發憤嘗忘餐讀書滿數篋有作成一編前年忽天折思
之痛萬千秋風感我心竟夕聲悲酸汝弟始扶牀是時方
熟眠縱復能成立遲汝十一年

泛舟城東水酒清殺復乾十里鋪鏡面清瑤映明珩主人
勸客飲列坐鼎足團興酣各賦詩一字期吟安鳴蛙喧遠

岸游魚吹細瀾笑指能言鴨王孫慎金丸清游難屢得明
晨理歸鞍

蕭蕭飛鴻羽唧唧吟蛩聲哀音良夜發側耳最分明黃葵
生北牖獨抱傾陽誠白日未及照冷露皓已盈商飈入庭
樹錚若萬甲兵性定齊慘樂心空忘衰榮寄言悲愁客勿
爲秋所令

中秋日以近月色日以好開尊招親舊歡賞恐不早圓虧
各有時晴明焉常保撫松羨後凋攀柳知先槁人生行樂
耳此語吾解道

風摧庭菊殆盡用少陵茅屋爲秋風所破歌韻

東窗日白林鴉號居士偃卧三間茅有如瘦馬嘶寒郊忽
驚撼屋風蕭梢波濤萬頃翻檐坳甬箕簸揚不遺力荒園

草木遭戕賊起視槐柳餘空株竹枝摧折救不得就中芳
菊可痛惜籬邊狼籍無顏色黃花慘淡葉深黑直疑風伯
心似鐵羸豪不惜風景裂秋深暫知陰用事姑緩數日亦
佳絕菊本後凋乃先萎含情欲訴無由徹我爲移植盆盎
間手汲新泉洗凍顏置之案側傍硯山嗚呼菊兮託根幸
在幽人屋一任戶外狂飈三日足

枯柳歎

閒清堂畔柳枝新昔年長條低拂塵天桃穠李各鬪豔此
樹孃孃偏依人豈知中路顏色改根株半死當青春草堂
無色感杜甫枯櫟病柏同悲辛婆娑生意幾略盡穿穴蟲
蟻難完神一枝旁抽獨娟好亦有狂絮飛來頻人生甯無
金城感過情悲喜傷吾真且把酒杯醕木本榮枯過眼安

足論

松樹峪

我來松樹峪疑是杏花村
沃壤春耕雨孤峯舊閉門
當階紅藥放躍沼紫鱗翻
更想幽尋去攜筇上古原

玉泉禪院

道人種松罷傍水開禪關
春風吹不到白雲相與閒
偶尋林外約引我過前山
倚杖看奇石徘徊殊未還

蟬

夏木千章暗高樓噪夕暉
清音宜遠聽莫向近枝飛

晚晴謬詩匯卷七終

晚晴彙詩匯卷八目錄

輔國公永璫 一首

追封禮親王永懋 十一首

鄭恭親王濟哈納 二首

睿恪親王如松 三首

貝勒奕繪 一首

瑞敏郡王奕誌 四首

鎮國公奕詢 六首

鄭愼親王烏爾恭阿 十九首

睿恭親王溥穎 二首

原封輔國公裕瑞 一首

輔國公晉昌 一首

原封輔國公禧恩 一首

定敏親王載銓 四首

貝勒載澂 一首

貝勒載灃 二首

肅忠親王善耆 三首

貝勒毓朗 五首

晚晴籀詩匯卷八

徐世昌

輔國公永璫字文玉一字益齋號素菊道人理密親王
允初孫襲封有清訓堂集

西甘澗

步下萬松寺山徑落斜曛路逢山中樵導我西澗濱逶迤
四五里始及藏山門晚霞雲半赤寒巖楓柏丹古寺餘老
屋山僧鬢已斑攜手看生壙壙銘名輩全撰文李焦明書
丹陳景元告歸轉西偏高寄亭足觀略如倪迂畫返照疏
林間相期春正月重來看雪山

追封禮親王永憲字嵩山禮烈親王代善五世孫以子
麟趾襲禮親王追封有神情室詩藁

詩話嵩山將軍詩以疏朗勝生當盛時身爲公族而
鬱勃常有士不遇之感汲修主人校刻遺藁而爲之
跋稱其詩生氣全湧不煩修飾彌益老蒼兼法唐宋
而於杜蘇兩大家得力尤深熙朝雅頌集采題畫松
五絕句爲藁外逸詩其三曰日落盡繁英我有春竹梅
堪結歲寒鄰疾風勁草尤難偃况是亭亭百尺身其
四曰不畏塵寰冷眼看參天翠色逼人寒名園車馬
紛如織昨夜春風綻牡丹懷才嫉俗兀傲不羣可以
凡矣大

覽鏡見白髭有感

自嗟蒲柳姿逢秋易搖落覽鏡見白髭朱顏不如昨十五
二十時英氣飛磅礴仗劍期萬里甯甘老林壑酒酣耳熱
時盤空見秋鶚更過十七年翻成垂翅鶴皤然已二毛屈
曲同尺蠖室人交徧謫路人亦訕謔囊橐黃金空一錢自
羞作達者重炎涼貧者重然諾所以郭恕先甘心友臧獲
除夕感懷兼憶起潛雲汀柳村諸同人用東坡韻

雙鬢漸生皤歡情已減半年華不少留中宵發浩歎功業
似虛花詩書餘清玩骨肉欣團聚朋輩驚萍散紙窗竹屋
閒燈火青熒伴今歲云暮矣明朝又新旦豹變豈敢期鼠
跡喜盈案風欺梅影頽雪壓松梢亂平生抱懶癖常復忘
櫛盥爭先謝躑捷退步希迂緩羞澀愧空囊充篋誰朽貫
激烈丈夫勇睥睨兒女懦與俗多參商處世忘冰炭廬山
勝終南招隱何須館冬盡剩餘寒春早得輕啜樂聖一銜
杯對影忽成粲

冒雪行贈樗仙

天風夜捲陰山雲吹向長空散寒玉紛紛亂翦白龍鱗俄
頃萬里皆平陸崎嶇道路成坦途飢烏凍雀相追逐馬滑
躑躅不敢行冰挂鬚眉肌生粟重裘凜冽冷如鐵衝寒手

足成戰塚村醪酒薄不能醉暫避霜威棲茅屋欣覩十丈
白峨峨嘯西一峰天外矗忽憶故人久契闊扁舟擬造剡
溪宿知君挂冠應未穩苦吟正對階前竹憶昨鐙下豁醉
眸陽春佳句好三復君詩亦如峴西峰傲骨峻嶒抱幽獨
郢歌今日和瓊瑤園林松石清如沐

擣衣篇

星河耿耿露零零碧落光搖六合清萬籟蕭條入夜寂千
家斷續起砧聲砧聲淒絕如含怨征戍十年不相見歲月
空嗟西逝烏柔情問徧南來雁欲憑旅雁慰閒愁翻使離
懷難卒休長向蘭閨同跨鳳何須雞塞覓封侯此時落葉
紛如雨此際蛩吟傍窗戶唧唧頻添思婦悲淒淒學助愁
人語鐵馬鏗錚霜露涼不須機裏織流黃好將一片堅心

石搏盡長安明月光月華今古不常滿三五充盈二八割
欲因明月託幽懷我心匪石安能轉願將身心化石堅立
向山頭望遠天任他日日風和雨望斷關山年復年閒庭
翻作藍橋驛空持玉杵成何益不見裴航返玉京自擣元
霜度朝夕夜如何其參欲橫結璘應伴守孤燈捲衣入戶
理殘夢夢向金微不隔程

和馮仙題畫扇原韻

土木形骸惟恃酒玉山頽唐妍不醜生平未得步兵厨死
時願獲陶家取君昔不喜捲白波近來始解親紅友醉墨
香流煙月融新辭氣壓蛟龍吼嗟予壯懷久銷鑠漸見垂
楊欲生肘脫魚甯復戀故洲逐鹿愧乏捷足走半世無成
學種梅今春無花心自忸感君爲寫隴頭春宇宙經綸在

君手

臞仙寫梅梅似火道人游戲朱門可樗仙寫梅梅似冰心
已成灰身未果愧我癡長與二君糠粃在前任揚簸搔頭
不作李固姿簪花欲學升菴禪日對梅花銜酒卮醉中聊
以全真我庾嶺爭傳開萬樹孤山自愧無一朵暫借君家
寫生手摹取一枝似方頗挂冠已瞻君在前種梅今又輸
君左

題松崖披卷圖

虬松落落十丈長吐吞寒月流清光吾宗幼與世罕比一
邱一壑獨擅場手把書卷遮俗眼懶看世事浮雲忙憶昨
醉踏霜華涼同踞片石談羲皇翩然雲際絕塵鶴喜我追
隨同翱翔知君與我皆酒狂握手意氣傾肝腸時有濤聲

間清話寒風謾謾吹衣裳坐久參橫松倒影歸扶殘醉天
街冷披圖風雨撼吟窗神飛已入徂徠境

丙戌秋杪余手釀橘酒丁亥夏日以惠敬亭敬亭見
酬以詩因賦此奉答

記得秋林橘柚黃糟牀手釀碧雲漿澆書應許同中聖蠲
渴還將慰老羌半榼晴涵雲夢月一樽香帶洞庭霜五湖
多少煙波興欲共尊羹一味涼

中秋後二日同耀仙敬亭游帶水山莊馬氏園分韻
得忙字

田翁恰恰罷農忙冷宦同游帶水莊萬里西風吹落木一
行歸雁帶斜陽泊舟乘興依煙柳驅馬辭秋入帝鄉憶得
二君清夢好定隨明月落湖湘

田園雜興

幽人水竹自相宜茅屋柴扉護短籬
萬頃綠莎平似掌一犁春雨杏花時

倚杖衡門暮景幽東舉嘯罷俯清流
斜陽影在千山外薄暮人歸欲飯牛

鄭恭親王濟哈納號清修道人鄭獻親王濟爾哈朗五世孫有清修室稟

行路

駢駢于役路難行竟日纔能計二程
野寺荒雞曉月影寒林驄馬踏冰聲
風嘗透骨重裘薄山不經心熟徑生何事
崎嶇嗟蜀道從來游子自多情

秋晚

雲山何處望神州，獨坐高窗俯碧流。
野寺鐘聲斜照裏，荒村煙火小溪頭。
晚風冉冉侵藤榻，邊樹蕭蕭隔戍樓。
客夢今宵應未穩，一輪新月到簾鉤。

睿恪親王如松號素心道人睿忠親王多爾袞五世孫
追封睿親王有怡情書室詩鈔

石門道上作

正月石門道風梳四野雲，水光冰間斷山翠。
雪平分遠燒明林麓，寒吹失夕曛垂鞭。
嚼花柳不日自芳芬。

燕郊道中雨後作

入秋氣已清，馬上事東行。
蔓草垂牆墜，歸雲截樹平。
雨停沙溜淺，風定野蟬鳴。
欵乃聲聲慢，漁舟箇箇輕。

潞河泛舟

秋空雁影碧天高一艇西風水半篙深柳蟬聲鳴斷續蓼
花紅處識東皋

貝勒奕繪字子章號幻園又號太素道人榮純親王永

琪孫

詩話幻園斐然著述才嘗撰子章子未刻行側
望願春太清雅雅善詩詞嘗相酬唱極閨門之樂

題高郵王寬甫敬之小言集

令兄司空古君子弱不勝衣學有以六書詁訓舊家傳自
言更有能詩弟使還有約相繼來律中蕤賓諧宮徵書巢
近作有精妙老更成能何所似蘭蕙叢生山之阿江漢滔
滔濯秋水我讀先生漫筆作孤芳狷潔離塵世又讀先生
水來謠高歌慷慨思經濟紛紛俗子何足云茫茫古人呼
不起東山有客狂且癡未識君面見君詩知君亦是栖栖

者何日相逢把酒卮

瑞敏郡王奕誌號西園主人瑞懷親王綿忻子有樂循

理齋詩集

詩話西園主人早歲工詩其薨年未三十有賦懷王
手植竹云再拜竹下稱孤兒他年對竹兒不知今却
竹本先王遺竹亦似感孤兒悲君不見風吹竹聲如
太息且喜孤兒能學殖符葆森南樵稱其性情沈厚
幾於一字一淚信然

題雙鷹圖

寒風灑浙秋天高蒼鷹突起相游翔昂首決背奮雄怒金
鈴雙繫紅絲絛一張鐵爪立喬木一閃霜翅飛清皋草枯
眼疾若流矢荒原狡獸紛難逃由來畫鷹如畫虎不知畫
骨惟畫羽星眸雪距非精神兩血風毛徒朽腐昔蒙殊恩
賜此禽軒楹繫處添蕭森急倩妙工爲寫照神光落紙翔

層陰暇日高懸粉壁上窗前側目如凝望真鷹畫鷹兩不
分壁上楹間屹相向方今捍禦思英才奮擊障霧晴霄開
威行定掃狐兔窟功成孰畫麒麟臺觀此奇姿輒神往恰
對中庭秋日朗錦韞寶玦攜僕姑聲落寒空向林莽

招仙曲

空同之山高崔嵬玉爲樓闕金銀臺千年琪樹常不摧靈
芝叢長如蒿萊中有人兮顏如孩我欲從之隔塵埃寒漿
甘冽初發酷斟以瓊玉流霞杯仙不降兮情屢猜真宰上
訴天門開鸞車鶴駕紛徘徊青童玉女相追陪仙人手持
絳節來足底日月雙輪回風驅六萌聲如雷仙人向我笑
且哀不見茂陵土一坏叵耐風骨非仙才

池邊晚眺

一雨涼如沐林亭綠四圍偶憑孤石坐閒指亂雲歸水色
清浮簾山光翠上衣吟詩何處好散步趁斜暉

秋日懷笠耕先生

又報霜前朔雁來懷人望遠獨登臺蕭蕭木葉寒風下漠
漠秋山返照開萬里班超頭已白幾時博望使重迴關河
迢遞雙魚杳極目停雲濁酒杯

鎮國公奕詢號惜陰主人又號栖心室主人惠端親王

綿愉第四子有侯月齋詩集

詩話主人盛年篤學而清羸善病詩多悒鬱語如病
中擬古云大鵬異凡鳥夙抱干霄思御絳羽翼弱未
具凌風翠憶昔云煎熬筋力今消矣馳騁胸懷當躍
然蓋早自知賦年不永故語哀而思深自編詩集跋
有云人事無定萬緣不齊必待風過花飛然後仰恃
他人拜跪於願俠君之門不亦晚乎其辭尤深切未
幾卽謝世年
僅二十有三

詠史

蘇子卿

天黃草白寒飛雪朔風凜凜肌膚裂獨留遠塞何時還長
安萬里音書絕牧羝羝不乳懷鄉寸心苦一輪寒月照征
人歲月消磨十九春去時少年今老大歸來麟閣衰顏繪
隻身全節何艱難忍死閒關此爲最宋之張邵宋弁洪浩
元之郝文忠多年羈縲異邦土此心此境先後同

文中子

龍門文中子抱道不出仕其徒數十人受學皆正士天之
生才非偶然佐命興國資羣賢一朝天命屬諸李房杜王
魏各興起時王制作煥一新四海羣黎拭目視文中有徒
道不涇唐祚三百基於此

擬古

青青榆柳陰上有千葉垂千葉何蒙密長養薰風吹商飈
飈已至未改舊時姿豈是能耐寒搖落未及時素女報寒
信萬葉俄枯萎徒抱蒼蔚姿獨乏傲霜枝何如松柏堅三
冬冰雪支

幽鳥不擇枝幽花不擇地隨處洩天機自得蕭閒致嘹唳
偏足聽芬芳不須植清聲儘盈耳天香正浮鼻俯仰聊自
吟活潑助詩思物理貴自然人爲乃其次

策杖入深山紆迂蹊徑窄越洞復攀巖副此探幽癖忽見
鶴髮人相窺自林隙兀坐木石間手畫先天易舉步欲相
就荆榛礙行屐迂迴路幾條相距已咫尺邱壑猶宛然其
人乃白石仙踪何杳矣對此空悵惜回首暮煙凝林深日

已具

晴日眾卉鮮芬芳滿庭院穠豔奪天工
枝枝競蔥蒨暇日偶游觀吟時每忘倦
看罷坐幽齋惜芳心尙戀移根植盆
盎原期憑攬便孰意几案間風露難
周徧灌注恃汲泉憔悴可立見殷勤
費栽培人意豈非善百卉惡拂情讀
郭駝傳

鄭愼親王烏爾恭阿號石琴主人鄭獻親王濟爾哈朗

六世孫有石琴室彙易水往還彙

詩話鄭邸園林最盛嘯亭雜錄謂當儀王時出羨祿
爲之及石琴主人紹封延徑規田重加葺治與名士
大夫觴詠其間詩用宋法以清折幽雋爲尙不墮恬
蹊其賦紙鴛鴦答者英介春云撒手能飛去先過關
臺握中絲努力空際羽輪才語兼諷勉又詠秋蟬云
道旁糞土高於屋來年轉九百倍足之蟲之技何辛
勤豈得長留一樹絲詠秋蜂云請看蠶尾當其窮脫
穎肆毒同類中樹問相整飄墮地下有羣蟻方邀功

尤顯有所指特今不知其刺何人其後王子肅頰西
亭枯才擅政率及家督同蹈大僂蓋卽詩中所謂走
塾懷書二小男者
主人其有餘恫矣

喜得唐子西硯周澗東孝廉檢示貴耳集賦謝

孔云友多聞澗東我益友告以古硯銘貴耳集載久北宋
唐子西篆刻俱名手賴君學淵源賦詩傳不朽喜極忘效
顰犯曉詩筒走舊蓄宣和鸚歛石頗不醜兩硯都非常或
有鬼神守暇當就我看無歸飲我酒食肉亦何俗杯盤羅
菘韭雄談受益多循循猶善誘昨許鐫一行高朋能運肘
爲篆石琴藏嘉慶歲丁丑

臥久

臥久念不息閉目未能寐毒蛇在心頭盤結欲成淚淚滴
拭無痕不如化爲字筆墨前効靈紙硯董其事起坐將有

言燈花紅一穗又覓燈翦挑忽吾心手累所累方無涯有
爲亦皆僞人生祇百年我願作遊戲善且無近名禍亦未
全避彼此一是非胡不辭以醉處世本大難隨分自忘易
破感書數行燭移卻沈睡

除草

自春積雨來茸茸徧屋瓦雖輪蓬與蒿其類未云寡赤日
曝不焦薰風故相惹託根勢何高滋蔓稍遜下碧蘚相因
緣白雨未漏瀉新秋當翦茅手指費搏揜試看鴛鴦間容
此芻蕘者委積滿階墀擔負棄原野乃覺心目清坐對檐
楹雅更語屋上人掃除莫苟且

九月十日夜望雲月偶書此數語

黑雲狀如獸片月來點晴雖云巧相合望去如畫成少焉

月相左雲亦枝葉生流光本無礙空際惟孤明我妄當在
目因目咸可名正恐所見濁兼慮滑太清難將須臾影試
語終身盲夜深月猶落雲斂天更晴此景已陳跡戲論誰
當評

易水道中

山色與目習水聲惟耳戀經年一往還了無異聞見衰顏
朝夕催長途筋力倦况茲清明節微雨柳初變道旁何人
墓高低懸紙徧長眠雖爾輪短晷從我銜昨經賈島祠推
敲句猶羨聊復馬上吟來賡里中諺暮投村隴宿聚觀山
村彥互有邱壑心莫哂風塵面

義犬塔

天下犬死棄乃常此犬有塔官道旁惜無片石述其義後

世乃爲諸犬光顙頊盤瓠汝始祖黃耳亦汝大父行次者
信信不足數縱使續貂羞與附我聞易水來往人盡識山
間義犬墓何年何氏畜守闔天使不語能報恩如是精靈
未可滅繞山逐散妖狐魂村中羣犬鳴相聞彷彿有聲來
白雲

種芍藥

豐臺居人何所作十八村同種芍藥年年此地花繁時淺
紫深紅如繡錯我今移植秋分前草束蒲包入城郭土人
爲言花色全叢雖翦短根非弱栽培有法初不繁凍水冬
來須如約預爲花計我何樂惟願花開斗相若招邀故舊
暮春集羅列樽罍花畔酌不堪持贈留常看豈慕詩人笑
相謔要知花鳥皆友于請看園圃卽邱壑莫辭短徑灌漑

勤來春爛漫猶可度城西國花舊有堂牡丹盛開紅千萼
城中誰與殿春風晉花爲相殊不惡

再游水溝巖老君堂

鳥道盤盤險攀援步履勞林空疑卧虎壁絕羨飛猱細水
經千折羣峰競一高琳宮明季建大半沒蓬蒿

居此若天上山中閒道人不求鸞作馭頗與鬼爲鄰掘樹
供燒炭尋苗試煮銀西巖峰似指勢欲撼星辰

黃石齋禊序硯

此硯今應惜斯人正不阿豺狼侵道路矛戟盜山河歲紀
明嘉靖書臨晉永和豈知當末造彈劾五陵多

乞假十日日課一詩興到吟成不計工拙雖數莖拈

斷亦養疴之一術也

我憶潭溪寺潺湲夢亦清月高松下立雲起石中行采蕨
分嘗美聽鷓鴣獨解醒山僧多慧力藥草盡知名

騎射吾家事諸兒向晚歸窗間拋馬箠壁上挂弓衣洞石
心猶羨穿楊手亦稀難言筋力健來歲及知非
落葉風吹走南榮曝背時倦來書屢墮興到筆教隨招客
評奇畫從人買古碑冬憐寒暑速明日是朝期

觀睿忠親王甲及弓矢

男兒弧矢當如是勳業都憑國史傳西指旌旗收靈日南
來舟楫報書年明臣羞卻金輿迓聖世恩教鐵甲懸生我
偏遲百載後猶思負弩効王前

小寺

余家小寺傾頽久商略田租葺廢廬傍水三椽開甕牖埋

雲一徑入藍輿紅收墮葉斜題字背列羣山坐讀書此後
從人厭還往腹非老諄侶樵漁

易州道中書玉缶道人詩後

豹尾斑斑露畫竿眾中腰箭上征鞍道旁不管東風急得
意桃源立馬看

題諄庵壁

裘葛光陰往復還偷閒仍到翠微間此心那得雲留住又
被泉聲送出山

雨霽山行

團瓢村落五方圓苔蘚斑斑度陌阡野水驟添三宿雨遠
山橫束一圍煙唐時寺廢猶存塔燕地臺荒剩有田堪笑
無人論祀事不知鄒衍是先賢

歐陽文忠公云作詩有三上謂馬上牀上廁上余以爲得句易耳秋來易水之役吟詩與上用以排悶亦三上之遺意也

熙朝恩澤及枯禪儀仗歸來見往年刺刺老僧談不倦史

家遺事要誰傳

良鄉宏恩寺住僧三覺聖祖召見大內用儀仗送歸相傳爲明崇禎帝第三子寺

僧每道其事

睿恭親王瀆穎睿忠親王多爾袞六世孫有身雲室詩
藁

雨窗漫興

琴書堪慰客中身山館棲遲悟淨因閒啟半窗看暮雨晚涼新綠最怡人

碧紗窗外午薰微新綠當階草漸肥閒曳紫蕉衫子坐坐

看蝴蝶過牆飛

原封輔國公裕瑞字思元豫通親王多鐸五世孫初封不入八分輔國公坐事奪爵有清豔堂近稟萋香軒

吟草樊學齋詩集東行吟鈔瀋居雜詠

詩話思元主人爲豫通王五世孫通西蕃語謂佛經皆自唐時流入西藏近日佛藏皆出一本無可校讐乃取唐古特字譯校以復佛經唐本之舊摹西人地球謂之鸚鵡地圖癸酉禁門之役方領正黃旗漢軍副都統坐失察官兵從逆奪爵從奉大詩往往故作兀冪語文尤好翻案如謂司馬懿無奪魏志苻堅當伐晉皆有意立異而實無當也

寂寂

寂寂蕭齋過雨涼感懷無那酒澆腸春前種樹花成雪秋後歸人鬢已霜夢誤似當臨舊址秋深猶自滯閒鄉古今此恨多同調幾處青山野薤芳

輔國公晉昌字晉齋號紅梨主人恭親王常甯五世孫
官至盛京將軍有戎旃遣興草

松棚和韻

謾謾松濤聒耳鳴綠窗人靜韻尤清
摩雲有色青千丈掃月無聲翠一棚
涼影半疏還半密柔枝宜雨更宜晴
歲寒不改菁蔥質梅竹相將作晚盟

原封輔國公禧恩字仲蕃睿忠親王多爾袞七世孫官

至協辦大學士戶部尚書諡文莊有粵行草

詩話文莊爲睿忠親王七世孫以諸王子授鎮國將軍陟歷臺省道光壬辰被命督師討定江華連州亂
檄諭功進爵後坐事降初封旋以久領邦計拜參知政事
初出師時太素主人贈以詩其首章曰聞道春陵未解圍
詔傳宮保統戎機百蠻荒服前王德萬里春風大將
旗挂嶺北看花信改湘江南去雁行稀故園諸弟相思甚
破虜功成望早歸音節高朗明七子遺響

蒲圻

江雲今日倦一驛趁晴光水繞田稜曲風和樹影長人家
在汀岸縣治枕陂塘不慣沮洳徑帆飛羨野航

定敏親王載銓定端親王奕紹子襲定郡王追封親王
有行有恆堂集

詩話定邸嘗賦帝京篇五言排律
二百四十韻頗具昌明博大之觀

夏夜

人靜黃昏夜氣清輕颺薄暮引涼生扶疏夏木翠欲滴深
淺煙光畫不成是時園林初過雨千樹萬樹新蟬鳴好風
徐捲濃雲去送出團團海月明露重流螢低不起更深夜
久天如水清淺池塘波不興明星遙沒銀河裏披襟獨步
自徘徊隔岸荷香冉冉來月到天心人影直花陰細碎印

莓苔

送錢撫棠師歸里之作

待敷霖雨濟蒼生疏傅襟期畫錦榮紅蓼白蘋雙槩下淡
煙疏雨一樓迎藝林八法叨評論文笥駢珍愧拜擎綠野
堂開多樂事重看九老會耆英

冬曉

短夢初迴曙色明宵長枕簟覺寒生紙窗料峭人慵起卧
聽風吹落葉聲

題裕容齋畫瓶中折枝菊花牡丹卽次題畫原韻

冷豔羣芳與伍難孤高曾耐暮冬寒可知歷盡冰霜後纔
共春花一律看

貝勒載澂恭忠親王奕訢子諡果敏有世澤堂遺稟

春柳

依依楊柳傍沙汀，幾日東風舞未停。
細雨鶯聲橋畔路，夕陽人影郭邊亭。
腰支漸展三分綠，眉樣新添一抹青。
隔岸漁家晴旭暝，絲絲纔覆釣魚舸。

貝勒載溼字湛甫號怡菴又號清素主人雲林居士恭
忠親王奕訢子有繼澤堂集

雨夕

煙水澹悠悠，蒼茫暮靄浮。
萬峯吞落日，一雨釀深秋。
雲黯窗先暝，林陰翠欲流。
湖山觀不足，滿壁畫瀛洲。

擬古

古人不可見，後來安得知。
已過卽幻夢，未到徒勞思。
光陰良可惜，方寸胡不怡。
所以古達人行樂，須及時，勿爲名利。

縛勿爲物累羈萬事偶然耳隨遇安所之但自保忠信任
運無可疑笑指天心月虛明是我師

肅忠親王善耆號偶遂亭主肅武親王豪格八世孫襲

封官民政部尙書諡曰忠

詩話王爲肅武親王八世孫折節讀書好與士大夫
游書翰出入平原北海兩家清勁疏爽儼然絕塵堪
詩亦如之國變後出
居遼海絕絕以終

詠雪

夜來得微雪曉起不勝寒
醞酒猶嫌薄重裘尙覺單
勤王誰李愬閉戶盡袁安
寄語西征客應知行路難

和毓將軍遣感詩韻

多少興亡恨長歌對酒時
乃公無所用豎子爾何知
大業成孤注強鄰哂太癡
他年青史上一段解人頤

雪夜

濃雲靄黓罩山家散作人間六出花
翦燭清談招舊雨開樽相對醉流霞
市朝幾輩猶無褐帳殿三軍尙著紗
譙鼓寥寥人寂寂天公玉戲更交加

貝勒毓朗號餘癡生定安親王永璜五世孫官軍諮府軍諮使有餘癡生初稟

詩話餘癡生爲定安親王五世孫初封鎮國將軍陞歷卿寺後承大宗進爵馴致柄用詩以蒼秀勝與偶遂亭主相亞北地寒沮裁梅益盜獨其郎中庭植一樹花時燕賞每以自豪追念前游悵惘不置

夢中至一古寺云看梅花旣入門見西牆薔薇盛開
回視月正東升口占此詩遂醒

太白睽睽星熒熒一夜東風吹月上我來寺裏看梅花不
道薔薇高一丈

庚子元旦

青帝昨日回未回人間喜氣動如雷人知歲歲傳元日我
喜融融蘇舊芟旭日漸生牆角草東風行放樹頭梅年來
更覺天機活轉識浮生眾妙該

題侗將軍西園

斂心玩泉石縮眼察園林野老無拘束山泉有妙音地偏
塵世隔樹密屋廬深靄靄夏山色尋階上素襟

和耆壽民舊作城頭望雪

冰海風來林谷響雪大如輪小如掌初驚老木著春花繼
訝幽襟作秋爽天低已疑宇宙隘眼明陡覺庭院敞更上
城頭望匡廬浩渺光中失粒块欲尋奇趣無中邊那更窮
幽問罔象萬弩錢塘潮上時千里平沙日初晃玉龍戰罷

雲偶開恍惚晶瑩見顛顛松林得雪已奇絕城上吟詩氣
無兩茫茫銀海坐危樓波平不復勞雙槳不嫌覓句禁體
物生恐抽刀斷馬鞅一時豪興無古人此日胸中餘妙想
曲高和寡繼者誰襍襪舞鶴失圓吭

寄伯先姊丈

恩恩歲月又東風亂後惟餘詩句工徒有繁華驚俗眼更
無密訣受方瞳拙書我亦孫莘老跨鶴君應蘇次公記否
北山相對語一般風味與今同

晚晴籀詩匯卷八終